

Uppgjör Nýherja hf. fyrir fyrsta ársfjórðung 2008

Helstu niðurstöður fyrsta ársfjórðungs

- Sala á vöru og þjónustu nam 3.373 mkr ISK, jókst um 41% frá fyrsta fjórðungi 2007
- EBITDA var 145 mkr miðað við EBITDA 143 mkr á fyrsta ársfjórðungi 2007
- Rekstrarhagnaður (EBIT) var 100 mkr, lækkaði um 18,8% frá fyrsta fjórðungi 2007
- Gengistap upp á 431 mkr á fyrsta fjórðungi
- Tap tímabilsins nam 341 mkr samanborið við 104 mkr hagnað á fyrsta fjórðungi 2007
- Nýherji lauk samningum um kaup á TM Software hf. fyrir 1.417 mkr og sænska upplýsingatæknifyrirtækinu Marquardt & Parnters AB fyrir 357 mkr
- Hlutfé var aukið um 45 mkrá genginu 22
Nýherji seldi 9.000.000 af eigin hlutum á genginu 22 í apríl

Þórður Sverrisson, forstjóri:

„Mikilvægir áfangar náðust í starfsemi Nýherja þrátt fyrir umrót á fjármálamörkuðum á fyrsta ársfjórðungi 2008. Félagið lauk kaupum á TM Software hf. og Applicon styrkti starfsemi sína í Svíþjóð með kaupum á upplýsingatækni- og ráðgjafarfirmarfélaginu Marquardt & Parnters AB. Eftir kaupin eru yfir 50% tekna félagsins í fyrsta skipti vegna sölu á rekstrarþjónustu, hugbúnaðarþróun og samþættingu í stað sölu á vélbúnaði.

Í ljósi erfiðra aðstæðna á fjármálamörkuðum var ánægjulegt að allt nýtt hlutfé seldist í hlutafjárútboði Nýherja. Nýtt hlutfé styrkir efnahag félagsins sem eflði stöðu sína enn frekar með sölu á 3,4% hlut af eigin bréfum í apríl.

EBITDA af kjarnastarfsemi var í takt við áætlanir félagsins, en EBITDA hjá nokkrum nýrri dótturfélaganna var undir væntingum. Gengislækkun krónunnar, sem var 28%, hafði verulega neikvæð áhrif á afkomu Nýherja á fyrsta ársfjórðungi, en gengistap félagsins nam 431 mkr. Þrátt fyrir 341 mkr tap á fjórðungnum er kjarnastarfsemi félagsins öflug og arðbær. Við erum því bjartsýn á afkomu Nýherja á árinu.”

Rekstrarniðurstaða fyrir fyrsta ársfjórðung 2008

Fjórðungsyfirlit – Lykiltölur		Upphæðir í þús ISK			
	Q1 2008	Q4 2007	Q3 2007	Q2 2007	Q1 2007
Seldar vörur og þjónusta	3.373.436	3.524.707	2.750.060	2.637.312	2.389.348
Vörunotkun og kostnaður við selda þjónustu	-1.570.268	-1.975.244	-1.606.412	-1.428.510	-1.307.740
Vergur hagnaður	1.803.168	1.549.463	1.143.648	1.208.802	1.081.608
Laun og launatengd gjöld	-1.368.632	-912.601	-770.371	-851.036	-760.894
Rekstrarkostnaður	-387.553	-485.899	-217.166	-230.002	-206.578
Rekstrarhagnaður (EBIT)	100.051	190.172	155.551	132.343	122.122
Hrein fjármagnsgjöld	-513.849	-48.680	-57.492	-5.744	16.018
Hagnaður fyrir tekjuskatt	-413.798	140.843	101.400	128.905	137.040
Tekjuskattur	-72.401	-88.258	-8.089	-24.849	-32.108
Hagnaður (tap) ársins	-341.397	117.631	93.311	104.056	104.932
EBITDA	145.291	220.400	184.368	156.664	143.114
EBITDA hlutfall	4,3%	6,3%	6,7%	5,9%	6,0%
Heildarfjöldi stöðugilda	734	482	464	453	386

Sala á vöru og þjónustu nam rúmlega 3.373 mkr á fyrsta ársfjórðungi, samanborið við 2.389 mkr á sama tímabili í fyrra. Sala hefur því aukist um 41%. Tekjur starfseminnar á Íslandi námu 2.691 mkr en 682 mkr af starfsemi Nýherja erlendis.

Laun og launatengd gjöld námu 1.369 mkr en voru 760 mkr fyrir sama tímabil í fyrra. Heildarfjöldi stöðugilda jókst á sama tíma úr 386 í 734. Með kaupum á TM Software og Markquardt & Partners fjölgaði starfsmönnum um 250 í samstæðunni.

Rekstrarkostnaður var 389 mkr á fyrsta ársfjórðungi en var 206 mkr á sama tíma í fyrra. Hagnaður fyrir afskriftir, fjármagnsliði og skatta (EBITDA) nam 145 mkr á tímabilinu en var 143 mkr á sama tímabili í fyrra.

Hrein fjármagnsgjöld voru 514 mkr í samanburði við 16 mkr í fjármagnstekjur árið á undan. Hækkun fjármagnsgjalda má rekja til 28% lækkunar íslensku krónunnar á tímabilinu. Því varð 341 mkr tap á rekstri í fjórðungnum, en þetta er í fyrsta sinn sem tap er á rekstri félagsins síðan á fyrsta ársfjórðungi árið 2004. Hagnaður í fyrsta ársfjórðungi í fyrra nam 105 mkr.

Efnahagsreikningur – Lykiltölur		Upphæðir í þús ISK	
	31.3 2008	31.12. 2007	% Breyting
Fastafjármunir	4.938.095	2.363.717	109%
Veltufjármunir	4.157.001	3.297.573	26%
Eignir samtals	9.095.106	5.661.290	61%
Eigið fé	2.404.491	1.763.961	36%
Langtímaskuldir	2.684.962	1.180.633	127%
Skammtímaskuldir	4.005.653	2.716.696	47%
Eigið fé og skuldir samtals	9.095.106	5.661.290	61%

Uppgjör Nýherja fyrsta ársfjórðung 2008

Heildareignir í lok tímabilsins voru 9.095 mkr samanborið við 5.661 mkr í lok síðasta árs, sem er aukning um tæplega 61%.

Eigið fé í lok mars nam 2.405 mkr sem er 36% hækkun frá áramótum. Langtímaskuldir jukust úr 1.181 mkr í 2.685 mkr á sama tíma og skammtímaskuldir jukust úr 2.717 mkr í 4.006 mkr á tímabilinu. Nýherji seldi í apríl 3,4% af eigin hlut og að fjárhæð 198 mkr.

Yfirlit yfir rekstur

Sala á samþættum lausnum og þjónustu jókst verulega fyrstu þrjá mánuði ársins. Þá jókst sala á gagnageymslulausnum, miðlurum og rekstarþjónustu. Sala á hljóð- og myndlausnum jókst umtalsvert frá síðasta ári á sama tíma og sala á öðrum notendalausnum stóð í stað. Tekjur Applicon í Danmörku jukust en voru svipaðar á liðnu ári á Íslandi og í takt við áætlanir. Sala hjá TM Software og öðrum dótturfélögum var nokkuð undir væntingum.

Ytri vöxtur

Stefna Nýherja hefur falist í því að styðja við öflugan innri vöxt félagsins með fjárfestingu í félögum á nýjum mörkuðum eða lausnum sem geta haft stefnumótandi áhrif á framtíðarvöxt félagsins á núverandi mörkuðum. Kaup Nýherja á TM Software, sem lauk á tímabilinu, voru í samræmi við þá stefnu fyrirtækisins. Markmiðið með kaupnum er að efla rekstrar- og hýsingarþjónustu félagsins og þróun á viðskiptahugbúnaði og öðrum hugbúnaðarlausnum fyrir viðskiptalíf. Fyrir kaupin var Theriak Medication Management, dótturfyrirtæki TM Software, selt þriðja aðila. Tekjur (Proforma) núverandi rekstrareininga innan TM Software nam 2.384 mkr árið 2007 og EBITDA var 189 mkr. Samkeppnisefirlitið hefur samþykkt kaup Nýherja á TM Software án skilyrða.

Virði hlutabréfa í TM Software nam 1.417 mkr. Jafnhliða kaupum á TM Software var ákveðið að auka hlutfé félagsins að nafnviðri 45 milljónir króna á genginu 22 og voru 15,9 milljónir nýttar sem greiðsla til seljenda TM Software. Aðrir hlutir voru seldir til núverandi hlutahafa og starfsmanna samstæðunnar. 81 úr hópi hluthafa og starfsmanna fyrirtækisins skráði sig fyrir öllu hlutfé sem var í boði.

Applicon Sweden AB, dótturfyrirtæki Nýherja, keypti allt hlutfé í sænska upplýsingatækni- og ráðgjafafyrirtækinu Marquardt & Partners í janúar 2008. Markmiðið með kaupnum var að efla starfsemi Applicon í Svíþjóð, breikka lausnaframboð fyrirtækisins, svo sem með Calypso, hugbúnaðarlausn fyrir fjárfestingabanka, og styrkja viðskiptahóp Applicon þar í landi. Hjá Marquardt & Partners starfa 20 ráðgjafar sem búa yfir mikilli reynslu í að þjónusta sænsk fjármálafyrirtæki. Eftir kaupun starfa 32 ráðgjafar hjá Applicon í Svíþjóð.

Sameining

Tölvusmiðjan ehf., hýsingarfyrirtæki sem Nýherji keyptir árið 2006, var sameinuð hýsingardeild Nýherja í byrjun ársins 2008.

Horfur

Staða á fjármálamarkaði gæti haft áhrif á eftirspurn eftir vörum og þjónustu upplýsingatækniyrirtækja á síðari árshluta. Horfur fyrir annan ársfjórðung eru ágætastar þar sem verkefnastaða fyrirtækisins er góð.

Samþykkt árshlutareiknings.

Árshlutareikningur fyrir fyrsta ársfjórðung 2008 fyrir Nýherja hf. var samþykktur á stjórnarfundi 23. apríl. Árshlutareikningurinn er gerður í samræmi við alþjóðlega reikningsskilastaðla (IFRS-International Financial Reporting Standards).

Fjárhagsdagatal fyrir 2008

Áætluð birting árshlutauppgjörs fyrir árið 2008.

Annar ársfjórðungur	18. júlí 2008
Þriðji ársfjórðungur	17. október 2008
Fjórdi ársfjórðungur	23. janúar 2009
Aðalfundur Nýherja 2009	6. febrúar 2009

Nánari upplýsingar

Nánari upplýsingar veitir:

Þórður Sverrisson, forstjóri Nýherja, í síma +354 893 3630.

Nýherji hf

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Félög Nýherja samstæðunnar eru 22 bæði hér heima og erlendis og voru stöðugildi í árslok 730. Hlutabréf Nýherja hf. eru skráð í OMX Kauphöll Íslands.

Stjórn Nýherja: Benedikt Jóhannesson, stjórnarformaður, Árni Vilhjálmsson og Guðmundur Jóh. Jónsson. Þórður Sverrisson er forstjóri Nýherja.